

四庫全書

集部

欽定四庫全書

集部
元詩選二集卷七

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣李煥霞

欽定四庫全書

元詩選二集卷七

庶吉士顧嗣立編

侍讀學士碩裕實哈雅

碩裕實哈雅阿里哈雅之孫父名袞格根裕碩
遂以格為氏號酸齋年十三膂力絕人使健兒
驅三惡馬疾馳持槊立而待馬至騰上之越二
而跨三運槊生風觀者辟易或挽彊射生逐猛
獸上下峻阪如飛諸將咸服其趨捷稍長折節

讀書初襲父官為兩淮萬戶府達嚕噶齊鎮永
州一日解所綰黃金虎符讓弟呼圖克哈雅佩之
北從姚燧學燧見其古文峭厲有法及歌行古
樂府慷慨激烈大奇之俄選為英宗潛邸說書
秀才仁宗踐祚拜翰林侍讀學士中奉大夫知
制誥同脩國史乃稱疾辭還江南泰定元年五
月八日卒年三十九贈集賢學士中奉大夫護
軍追封京兆郡公諡文靖酸齋晚年為文日遽

詩亦冲澹草隸等書變化古人自成一家其視
死生若晝夜絕不入念慮臨終有辭世詩云洞
花幽草結良緣被我瞞他四十年今日不留生
死相海天秋月一般圓洞花幽草蓋二妾名也
酸齋休官辭祿後或隱屠沽或侶樵牧常於臨
安市中立碑額貨賣第一人間快活九人有買
者展兩手一大笑示之領其意者亦笑而去一
日錢唐數衣冠士人游虎跑泉飲間賦詩以泉

字為韻中一人但哦泉泉泉久不能就忽一曳
曳杖而至應聲曰泉泉泉亂迸珍珠个个圓玉
斧斫開頑石髓金鈎搭出老龍涎衆驚問曰公
非貫酸齋乎曰然然遂邀同飲盡醉而去其
依隱玩世多類此

桃花巖

并序

白兆山桃花巖太白有詩近人建長庚書院來京
師時中書平章白雲相其成求詩於詞林臣李秋

谷程雪樓陳北山元復初趙子昂張希孟與僕同

賦

美人一別三千年思美人兮在我前桃花染雨入白兆
信知塵世逃神仙空山亭亭伴朝暮老樹悲啼發紅霧
為誰化作神仙區十丈風煙挂淮浦暖翠流香春自活
手撚殘霞皆細末幾回雲外落清歎美人天上騎丹鶴
神遊八極棲此山流水杳然心自閒解劍狂歌一壺外
知有洞府無人間酒酣仰天呼太白眼空四海無纖物

明月滿山招斷魂
春風何處求顏色

美人篇

仙風雕雪玲瓏溫
吳姬翦月纖纖昏
行雲補髻翠光滑
鳳凰叫落空山月
手摘閒愁八字分
春山恨重畫不伸
肌濃汗膩朱粉勻
背人揮淚妝無痕
霜刀自製石榴裙
閉門不識諸王孫
綠煙熏透一作暖藍田玉
羅帶隨風換

裝束飛鳥銜怨過
長門芳菲不忍韶
華屋連環步窄玉
佩響霓裳袖闊春一作東
風長釧鬆腕瘦
覺多情舉手搔天

天亦養錦香一作枕昏帳冷蘭燈沉落花不入芙蓉衾三山路

杏銀河深彩鸞高訴愁人心天與美人傾國色不如更

與美人節夢裏梅花夢外身萬古千年對一作明月酸貫

齋以樂府得名同時有徐某號甜齋時號酸甜樂府

君山行

北冥魚背幾千里負我大夢遊弱水蓬萊隔眼不盈拳
碧落香銷吹不起茜裙女兒懷遠遊遠人不歸明月羞寶
釵縮髻翠欲流鳳鬢十二照暮秋女媧煉石補天手手

拙石開露天醜瓊樓玉宇亦人間
直指示君君見不斯須
魚去夢亦還白雲與我遊君山

畫龍歌

老墨糊天霹靂死手擘明珠換眸子
一潛淵澤久不躍泥活風鬚色深紫
虬髯老子家燕城怒吹九龍無餘燈
手提百尺陰山冰連雲塗作蒼龍形
槎牙爪角隨風生逆鱗射月干戈聲
人間仰視翫且聽參辰散落天人驚
瀟湘浮黛蛾眉輕太行不讓蓬萊青
烈風倒雪銀河傾

珊瑚盡闊堪不平
吸來噴出東風迎
春色萬國生龍庭
七年旱絕堯生靈
九年澇漲舜不耕
爾來化為霖福
為吾大元山海足

觀日行 并序

丁巳春三月余之所謂寶陀山顛有石曰盤陀可
觀之初疑其大不可量既歸宿作方夜半之餘詩

僧魯山同賦

六龍受鞭海水熱
夜半金烏變顏色
天河蘸電斷鼉膊

刀擊珊瑚碎流雪朔方野客隨雲閒乘風來游海上山
飛驤拖空渡香水地避中原雜聖凡壯鼇九尺解霜鼓
瘦紋巨犬自掀舞驚看月下墨花鮮欲作新詩授龍女
人生行此丈夫國天吳立濤欺地窄乾坤空缺落春帆
身在東南憶西北

采石歌

采石山頭日顏色采石山下江流雪行客不過水無跡
難以斷魂招太白我亦不留白玉堂京華酒淺湘雲長

新亭風雨夜來夢千載相思各斷腸

別離情

吁別離之苦兮蒼梧之野春草青黃陵廟前春水生日
暮湘裙動輕翠玉樹

一作
條竹

亭亭染紅淚又聞垓下虞姬

泣斗帳初驚楚歌畢佳人閣淚棄英雄劍血不銷原草
碧何物謂之別離情肝腸剝剝如銅聲不如斫其竹翦
其草免使人生謂情老

蘆花被

并序

僕過梁山泊有漁翁織蘆花為被僕尚其清欲易
之以綢者翁曰君尚吾清願以詩輸之遂賦果却

綢

採得蘆花不浣塵翠叢聊復藉為裯西風刮夢秋無際
夜月生香雪滿身毛骨已隨天地老聲名不讓古今貧青

綾莫為鴛鴦如欸乃聲中別有春

歐陽玄撰貫雲石神
道碑云雲石嘗過梁

山樂見漁父織蘆花絮為被愛之以綢易被漁父見其
貴易賤異其為人陽曰君欲吾被當更賦詩公援筆立
成竟持被往詩傳人間號蘆
花道人公至錢唐因以自號

秋江感

澄淨秋江一舸輕，不堪蹤迹樂平生。
西風兩鬢山河在，落日滿船鴻雁聲。
邨酒尚存黃閣醉，短檠猶照玉關情。
料應今夜懷鄉夢，殘月蕭蕭月二更。

蒲劍

三尺青青古太阿，舞風斫水一川波。
長橋有影蛟龍懼，流水無聲日夜磨。
兩岸帶煙生殺氣，五更彈雨和漁歌。
秋來只恐西風惡，銷盡鋒稜恨轉多。

三一菴

茅棟蕭蕭水石間
放懷終日對林巒
夢回不覺丹臨砌
吟罷始知身倚闌
藥碓夜春雲母急
石餅秋迸井花寒
羣魚亦得逍遙樂
何用機心把釣竿

神州寄友

滄海茫茫叙遠音
何人不發故鄉吟
十年故舊三生夢
萬里乾坤一寸心
秋水夜看燈下劍
春風時鼓壁間琴
邇來自媿頭尤黑
贏得人呼小翰林

思親

天涯芳草亦婆婆
三釜淒涼奈我何
細較十年元下淚
不知慈母線痕多

題陳北山扇五首

秋鳴無數醉秦娥
却把輕風惹扇羅
明月碧澄天似水
此山雲氣動纖波

紅旭如鉛海上來
蒼蒼烟霧小蓬萊
東風昨夜醇如酒
吹得桃花滿樹開

翠幕低垂護午陰
碧餅裏面水痕深
東風截斷人間熱
勾引清涼養道心

一簾明月倚闌干
宇宙尤宜就夜看
飛上仙查河漢近
手招沆瀣海銅盤

功成不用服丹砂
笑指雲霞總是家
清曉山中三尺雪
道人神氣是梅花

題廬山太平宮

山上清風山下塵
碧沙流水淺如春
不知松外誰敲月

驚動南華夢裏人

題岳陽樓

天遠岳陽樓影孤
下窺夢澤渺平蕪
城南老樹依然在
試問仙童重到無

題練川書隱壁

朝來策杖輕天涯
東風落腳山人家
悠哉野服棄俗態
蕭然未受豪華加
兒兮子兮嬉且悲
燈昏小帳連依依
山人已有春微微
吾儕必欲留新題

算築樂為西瑛公子

雄雷怨別雌雷老雲海縵沙地無草邊塵不受紫檀風
三寸蘆中元氣巧微聲鞞鞞喘不栖魑魅夢哭猩猩饑
壯聲九漏雪如鐵酥燈燄冷春風滅神妻夜傳鬪髻杯
倒解昆侖飲腥血紫臺雲散月荒涼歸路人稀腔更長

岳陽樓

西風吹我登斯樓劍光影動乾坤浮青山對客有餘瘦
游子思君無限愁昨夜漁歌動湖未一分天地十分秋

當塗郡有脫鞞亭以謫仙采石得名乃繪之圖而
贊以詩

錦袍兮烏幘神清兮氣逸凌鑠兮萬象麾斥兮八極我
思古人兮李太白孰為使之朝禁林而暮采石也其天
寶之嬖倖歟公則何所於欣戚

山谷守當塗方九日而被謗謫宜州遂作返棹圖
而系之詩

幅巾兮野服貌腴兮神肅孤騫兮風雅唾視分爵祿我

思古人兮黃山谷曷為使之六年棘道而九日姑孰也
其符紹之朋黨歟公則何所於榮辱

初至江南休暑鳳凰山

路隔蒼苔卒未通泉花如髮玉濛濛蛟浮海近雲窗溼
蟲怯山寒葛帳空高枕不知秋水上開門忽見莫帆東
物華萬態俱忘我北望惟心一寸紅

宮詞

風外丁當響珮環玉人依約凭湖山侍兒報有君王命

月下輕輕整翠鬟

鄧祭酒文原

文原字善之一字匪石綿州人父漳徙錢唐文
原年十五通春秋在宋時以流寓試浙西轉運
司魁四川士至元間行中書省辟為杭州路儒
學正大德間調崇德州學教授擢應奉翰林文
字陞脩撰至大三年出授江浙儒學提舉皇慶
元年召為國子司業科舉制行文原校文江浙

慮士守舊習大書朱子貢舉私議揭於門延祐
四年陞翰林待制出僉江南浙西道廉訪司事
移江東至治二年召為集賢直學士兼國子祭
酒泰定元年以疾乞致仕歸致和元年卒年七
十一制贈江浙行省參知政事謚文肅所著有
讀易類編內制集素履齋橐義烏黃潛曰公為
文精深典雅溫潤而有體確實而有徵詩尤簡
古而麗逸句章任士林曰善之渾厚以和沈潛

以潤如清球在縣明珠在乘當大德延祐之世
承平日久善之與袁伯長貢仲章輩振興文教
四海之士望風景附王士熙馮思溫名位為最
顯亦皆出善之之門文章之柄悉歸焉其盛事
可想見也

雨中次范德機見寄雜興韻

窮巷積陰雨離居寡悰情安得埽埃風逍遙余上征長
日有逝川春花無晚榮永懷山澤居好遯潛英聲於陵

方灌園龐公不入城此意豈忘世詠歌以濯清今我夢
江國噉噉鶉鳩鳴不憂芳草歇但恐白髮生歸休企前
哲矢言著貞誠悠悠莫識察思子攜手行

題高尚書夜山圖

吳山面滄江中秋氣颯爽樓居謫仙後公退謝塵鞅孤
月出海上高懷一俛仰佳哉高侯畫得意超象罔我來
秋向晚月色寒莽蒼山遠落木淨風高怒潮響奔騰萬
雲氣忽駕蒼虬上平湖雨翻江渺渺波蕩槩回思圖畫

時歲月儵已往山川更晦明陰陽遞消長人生何獨勞
局促老穹壤我將乘倒景千載縱清賞松喬遺世人一
笑凌煙像

題丁氏松澗圖

天目之峰凌紫烟下周林壑紆長川清池斗絕涵倒景
神運直自疏鑿先彼美幽貞廬閒房曲奧辛夷荃蒼官
一作松手植經幾年靈蚪夭矯今參天門前朝流暮流水
但聞激石瀉瀨鳴濺濺山人養真衡茅下有書可讀琴

可弦意行清澗曲長漱松風前山

一作溪

月出林高溪花

弄春妍仙人歌

一作欲

來夜將半天空鶴唳山淒然飈塵

大笑狂馳子口誦丹訣傳真玄我欲從之結鄰屋得疏
藥圃謀芝田

山中居

山人獨向山中居風雨不庇三椽廬短衣破帽家無儲
形忘意適心自娛挂壁拄杖懸珊瑚鬼神遜迹蛟龍趨
眼前不識為妻孥生平豈解躬耕鋤黃精採苗供晚哺

碧溪飲泉傾瓠壺行歌紫薇眠枕書夢遊滄海坐釣魚
雲霧烟霞同卷舒狙獾麋鹿相驚呼顛崖蒼蒼日欲晡
舉手拊掌笑挽鬚起望八極吞五湖喬松在足憑空虛
有客跨鶴來須臾龐眉皓齒當坐隅綺語唾落飛明珠
翻身別去登康衢寄言擊壤人有無茅茨風俗今何如

梁貢父學士江行阻風圖

匡廬阻長江彭蠡居上游我幼不識風濤怒但喜青山
綿亘急櫓鳴中流老來行道增百憂山有虎兕水次多

蛟蚪梁公示我江上圖空齋颯爽回高秋想見飛廉簸
蕩驅陽侯雷鼓動地萬貔貅連檣十日不得發何異駮
馬伏櫪鷹在韝行人傲福古祠下潔觴置酒旨且柔小
姑倚絕岸彭郎渺孤洲脈脈闕情隔烟水不如天孫絕
漢從牽牛明發風止江鏡淨楚天無際來權謳回首繫
舟處惟有參差烟樹飛息謳世事翻覆那有定人生憂
樂為誰謀慨彼東逝川白日不得須臾留濯滄浪委浮
休買田結屋山之幽擷芳釣鮮亦足樂安用高門列鼎

冠蓋誇鳴騶

贈墨士吳雪堂

永寧賜筆世安有，易水良工今不傳。
了知膠漆用相得，亦悟膏火明自煎。
昔從蒙莊觀副墨，老歸芸閣窮太玄。
與子欲擬毛穎傳，待我暇矣磨墨甄。

滿目雲山樓

一作米元暉
雲山短卷

芳草孤舟度幽居，一徑通一作雲江湖。
春雨外墟里暮煙

中一作分

機息鷗先下，花飛水自東。

一作亦芬

臨流

一作氛氲

無限

意畫史若為工

一作畫裏識數文

伯夷頌

心田垂世遠手澤歷年殊誰購山陰叙真還合浦珠身
惟名不朽書與道同符諸老珍題在猶堪立懦夫

送吳宗師南祀歸二首

國老分茆社祠官從使星鶴書來澗谷羽節動仙靈寸
草春逾碧黃花晚獨馨真人猶五采歸受蕊珠經

草木南薰候神仙上界官平生脩月斧萬里御風翰江

雨鳴星劍涼空憶露盤白鷗秋水外相與醉憑闌

陪高彥敬游南山

不到南山又二年
離離秋草映寒泉
東林蕭散開蓮社
西晉風流擢酒船
古寺雲煙終日合
長松風雨半空懸
謝公未了登臨興
故向禪房借榻眠

十月十日出都城二首

倦客愁深素髮生
分甘投劾謝塵纓
老來每愧公車召
歸去何須祖帳榮
紅葉早霜催歲晏
白鷗野水與雲平

腐儒漫任真無補深負巖居與谷耕

朝擁皋比夕短檠病餘靜息厭勞形閒情只合營三徑
便腹那能貯五經忝侍禁幃慙啟沃欲尋耆社覺凋零
歸歟嘯傲西湖上時看晴雲度翠屏

三月廿九日上御流杯亭聽講明日子輦司業有
詩因次韻

只尺天顏仰照臨緝熙盛事見方今上林花接南薰蚤
流水春涵太液深寒士簡編窮皓首野人芹曝抱丹心

退朝欲草清平頌散作成均木鐸音

送劉時可還括蒼兼寄洪中行

洪郎不來魚鴈稀君今歲暮告我歸故人青燈山水屋
游子白苧風霜衣時俗俛仰妨道姓聖哲出處存天機
東還石門對飛瀑卧看寒月投窗扉

贈白君舉

昆侖西月水東溟何處清

一作東

風起獨醒遠道雲煙今

古樹行人朝暮短長亭草鋪平野春如剪花落重門晝

不局不有茅茨容歡傲終南山色為

一作與誰青

送人游天台

此去蘭亭脩禊後平明驅馬試征衣
海邊山盡天無盡花底春歸人未歸
一雨潮生魚入市遠巖月上鶴投扉
舊游二十年前路孤負東風賦采薇

壽何平章

位正三台拱太微德人山立玉揚輝
致身直道難諧俗救世危言易觸機
空谷霜嚴蒼檜在長空雨盡白雲歸

閒亭燕坐觀春草
依舊東風自款扉

題子昂馬圖

奔騰駿骨雲路長
蕭灑神鬣風露涼
沙場春牧草肥雨
野徼秋嘶楓隕霜
三關戰士黃金甲
五陵俠客紅絲韉
朝羈暮絡祇腸斷
華山烟樹遥蒼蒼

題林彥文詩卷兼送南歸

東周離黍先亡雅
南楚崇蘭又變騷
上下漢唐觀體裁
古今李杜擅雄豪
青林曉日鳴雙鳥
碧海秋風釣六鰲

白髮詩翁會天趣吳山一笑返漁舫

都中送元傑道士南歸

授節仙山得過家都門津柳動春華還鄉近似千年鶴
奉使榮於八月查古井雲封丹竈藥舊松風埽石壇花
道人冠劍鳴瑤佩豈必高車畫錦誇

奉題延祐宸翰并序

欽惟仁宗上承祖武蒐羅俊彥求治靡寧尤尊禮
儒臣務敦風化由是治書侍御史臣郭貫擢禮部

尚書凡在選者六人惟貫進秩有加親灑宸翰昭
示龍光忝備臣僚咸增鼓舞集賢直學士臣鄧文
原謹拜手稽首而作詩曰

宵旰需賢表薦紳秩宗首選贊華勛官聯天府璇璣象
帝闡河圖琬琰文曾聽簫韶瞻曉日仰攀弓劍泣秋雲
小臣作頌稱仁聖湛露承恩未足云

題小薛王畫鹿

禮樂河間雅好儒曾陪校獵奉鑿輿畫長靈囿觀游後

政暇嘉賓燕集餘蛺蝶圖工人去久騶虞詩好化行初
宗藩翰墨留珍賞憑仗相如賦子虛

題謝氏通濟橋

涔陽川上壓雲濤迴若仙山駕巨鼇
甃石不愁僧路滑傾金寧計鬼工勞
泛查客去銀河近題柱人歸玉壘高
此地通津足佳興楚歌明月放輕舸

郎中蘇公哀挽

志道

寒垣重鎮雪雲堆
畫諾人稱幕府材
流馬道艱逢歲儉

涸魚民病得春回
陽關猶記歌三疊
杜老俄成賦八哀
夜靜燕臺山月冷
祇疑花鶴一歸來

送李彥謙御史之西臺

霜風十月長安道
健鶻凌空淨羽毛
地控函關西極重
星聯執法太微高
鑄金古鼎姦先伏
發刃新硎用欲韜
雅志澄清付公等
我懷江海放漁舠

送鮮于伯機之官浙東

衣冠文獻參諸老
臺閣功名負此公
十載黃塵看去馬

萬山青眼送飛鴻
揮毫對客風生座
載酒論詩月滿篷
昭世需才公論定
起分春雨浙江東

送張綱父教官

我友白蘋洲畔客
忽凌風雪問征途
南州歲晚尋高士
西塞煙深憶釣徒
呼酒江船春水動
讀書山館雨燈孤
無錢自媿蘇司業
聊賦驪駒為子娛

贈趙鍊師奉祠南海會稽

函香南國羽衣師
東繞稽山謁禹祠
使馭穩如乘白鶴

仙都歸及采玄芝
文園進橐無封禪
宣室求言有受釐
書就會同靈貺
閣詞人脩謨九歌辭

送姚利用入京

雪晴川淨駕飛旄
舟入河水二月開
壯士不緣彈缺去
故山曾見爛柯來
上林淑氣催花柳
盛代英雄擢草萊
青眼諸賢如問訊
為言衰病懶登臺

獨立

數盡飛花一愴然
壯心迢遞夕陽邊
十年人事空流水

金步四卷之三十一
卷七
二月風光已杜鵑過眼青春寧復得
浣人黃土絕堪憐
故園尚有平生約可使蒼苔到石田

正旦有感

干戈短景去怱怱回首南朝一夢中
世事盡隨天道北
春正依舊斗杓東四時玉燭堪調燮
萬國車書想混同
寂莫荒山老松樹看渠梅柳競春風

清明省墓

短檝吳歌花滿川春帆愁斷蓼
莪篇小溪蘋藻墻間祭

春雨桑麻墓下田黃壤有靈終異土青山無樹半荒阡
傷哉巴峽松楸路孤兔蒼寒六十年

趙孟堅水墨雙鉤水仙長卷

仙子凌波佩陸離文魚先乘殿馮夷積冰斲雪揚靈夜
鼓瑟吹竽會舞時海上瑤池春不斷人間金盃事堪疑
天寒日暮花無語清淺蓬萊當問誰

松雪翁桐陰高士圖

玉立桐陰十畝蒼託根何必在朝陽迎風簌簌秋聲早

灑雨陰陰月色涼勝事只消琴在膝野情聊倚石為牀
高人自得坡頭趣不為花開引鳳皇

除夕書懷

年光逝若片帆輕坐惜宵分到啟明客舍張燈浮太白
禁鐘和漏隔華清攝提北斗中天運太乙東宮吉日迎
身在詞林無寸補幾陪鴛鴦聽雞聲

萬歲山廣寒殿

雪殘春意滿仙臺碧樹青蔥翠作堆三島靈山浮海至

九天丹闕倚雲開，仗穿玉兔輪中出。
輦跨金鼇背上來，欲獻甘泉辟雍賦。
白頭零落媿非才。

三月晦遊道場山宿清公房與成父同行二首

絕頂軒窗納晚晡，下方燈火聽鐘魚。
天連震澤涵元氣，地涌浮圖切太虛。
涼立松風觀石溜，晚尋樵徑扣僧廬。
孤亭山麓荒苔積，猶想幽人夜讀書。

澗石縈紆紫竹叢，晴雲吹落水晶宮。
夜寒身宿羣峰頂，花盡春歸萬木中。
儻買山田營破屋，時過僧寺駕孤蓬。

只應渺渺軒前路杖履長陪鶴髮翁

文湖州竹二首

翰墨真儒者事書生如山未知判取詩書萬卷來看風
霜一枝

此老墨君三昧雲山發興清竒我在蓬萊書府曾看曉
靄橫披

題陶淵明像

詩中甲子春秋筆籬下黃花雨露枝便向斜川頻載酒

風光不似義熙時

袁安卧雪圖

門外雪深泥沒膝
幽人懷抱自春風
可憐令尹無高致
乘興何須見此公

松雪臨郭熙溪山漁樂

峭石浮嵐俯翠微
瀑流飛雨散林霏
漁舟來往清溪曲
張望行人古道稀

松雪墨梅

憶昔衝寒踏雪時
百花零落願開遲
如今收拾橫書卷
一任無情塞管吹

江參百牛圖

濕濕羣行四百號
畀黎初罷樂相隨
春風綠遍川原草
回首收人知是誰

錢舜舉碩鼠圖

禾黍連雲待歲功
爾曹竊食素餐同
平生貪黠終何用
看取人間五技窮

錢舜舉瓜蔓圖

極目荒墟落木中空
山人靜澗泉春秋來不用為霖雨
留得閒雲養卧龍

溫日觀葡萄

滿筐圓實驪珠滑
入口甘泉冰玉寒
若使文園知此渴
露華應不乞金盤

周曾秋塘圖卷

慘澹枯荷折葦間
夫容秋水轉碕灣
鳴鴻飛度江南北

却羨溪禽滿意間

米敷文楚山清曉卷

濛濛煙樹楚江湄
寂寞漁邨護短籬
雲夢舟中春睡足
醉餘猶記牧之詩

李仲賓墨竹圖

石根天矯出寒梢
明月空山舞翠蛟

缺

作江湖墨風雨

曾隨海浪過南交

仲賓曾使交趾故云

郭恕先升龍圖二首

海上參差十二樓，閨風玄圃綵雲浮。
神仙尚厭人間世，故作乘龍汗漫遊。

建章宮闕漏沈沈，翠輦春遊接上林。
未識嫦娥天上樂，廣寒丹樹五雲深。

題高尚書秋山暮靄圖

倚溪草舍隔林中，望際雲山翠幾重。
長憶雨餘閒信馬，輕鞭遙指兩三峰。

題高房山墨竹圖

人纔有我難忘物畫到無心恰見工欲識高侯三昧手
都緣意與此君同

題王朋梅金明池圖

溶溶春水戲羣龍畫鼓蘭橈競奏功得失等閒成愠喜
人生萬事奕棋中

題開元宮圖

西湖春動風泠泠歛忽鼓瑟窺湘靈夫君要眇降雲輶
椒堂桂棟羅芳馨春城日逝崦嵫暮幽夢重門鎖花霧

玉簫聲沈鳳飛去
迸入秋風五陵樹
至人高懷視雲浮
昔者金屋今丹丘
白鶴來下明月樓
知有王喬飛鳥遊
仙人好幻多戲劇
海變桑田蓮變碧
百靈呵護融風息
依舊瓊臺絳宇炫
耀雲五色

寄普福講寺住持無公

淨土談玄屢款扉
平生我亦悟毘尼
天台道在毘陵記
廬阜神交惠遠師
度嶺白雲飛錫處
散花清晝說經時
西南峰下龍泓路
曾記山房舊賦詩

題圓覺天台教寺

大圓覺境清涼地要闡毘盧貝藏開飛錫不妨隨鶴下
蟠桃曾見有龍來相逢定性三生路盡了塵心萬劫灰
憶我初年慕禪蛻石橋煙雨過天台

送俞觀光赴義塾師

越山嵐翠俯青谿念子懷歸歲屢移乘興未尋安道宅
傳經且下仲舒帷稻粱秋足飛鴻外燈火涼生積雨時
東老收書蕪好客何人詩寫石榴皮

題張繇所畫霜林雲岫圖

慚余生也晚未能識君顏宿秉川嶽氣時發骨臆山澗
壑自回互溪林若縈環雲光映天色秋葉舒錦斑室中
有揚子向晚啟玄闕何如塵外侶日夕相與還悠悠箇
中意未許落人寰

閻立本西嶺春雲圖

旅人陟春山回互臨幽絕馬首觸層雲鳥鳴當三月桃
萼爛虛空松風吹洞越高岑上青蒼曲磴負欹缺澗壑瀉

飛流煙靄忽明滅靈仙扣丹房素女開瑤穴鄉闕在遐
方中情向誰說忽聞上方鐘午餐僧已設閻子為此圖
翫之未能輟恐為造化憎隄備六丁掣

盧鴻廬嶽觀泉圖

九江峙廬嶽盤回幾許深絕壁倚霄漢濺瀑直千尋
颯松風至髣髴蒼龍吟疊石挺瓊樹飛樓起危岑流沫
灑虛闌長歌響澗陰雲深草木潤風度煙景沈何來暫
停轡於焉散煩襟余以罹塵鞅未得諧夙心能知此中

意奚事方外尋良圖為爾襲比勝雙竒琛

題李思訓寒江晚山圖

李唐王孫重毫素愛寫寒江千萬樹上有蓬萊五色雲
下有仙家幾庭戶清霜點作秋滿林咫尺瑤窗起烟霧
西風吹動晚山蒼歸舟掩映猶堪數迢迢錦水泛雙鳧
漠漠青天飛雪驚人間畫手非不多誰似李侯得真趣
李侯宿世列仙儔更有何人同出處徽廟題來字字真
把玩殷勤迺竒遇斯圖斯景世莫傳古汴荒涼風景暮

眼中人事已非前，畫裏山川尚如故。老我披圖一愴然，
落日長歌漫為賦。

王摩詰春溪捕魚圖

輞川之景天下奇，我惜曾聞不曾識。若人筆端斡玄氣，
萬頃烟濤歸咫尺。漁翁生事浩無窮，醉挹青藍洗胃臆。
或披蓑笠卧寒蟾，或倚孤篷醮空碧。靜觀此理良可娛，
應須仰慕王摩詰。

李昭道春江圖

江上亂山青束筍平沙草樹望不盡大江入海來滾滾
吐雨吞雲雜蛟蜃中有崔嵬夔絕之高亭遠出晴空寒
數仞江山傳舍觀英雄英雄盡說孫江東自從得地雙
鶴翁紫髯一拂豚犬空石田睡起秋屢豐歸耕應羨漢
陰翁

趙幹春山曲鴉圖

春雲盡斂青山出雨過千林翠猶滴桃花歷亂柳半綿
兩兩啼鶯在林隙短橋深樹阿誰家樓閣重重映曉霞

送來豈是避秦客理亂不聞度歲華
衡門草綠深如染迴塘激濫流青
靛雞鳴犬吠各成邨巖際飛泉如
白練虛亭寂歷倚江開圖畫千重
入望來桃源山莊何足數此卷真
足稱竒哉畫史當年推趙幹妙筆
流傳人所羨吁嗟乎人去悠悠不
可呼為君賦此期重見

王晉卿蜀道寒雲圖

巨靈何年移五岳石扇中開兩厓
削峽中六月清風寒仰視青冥何
漠漠碧溪屈曲通冷泉紺葉玲瓏
帶籬落

勾連石棧不可梯縹緲煙中見樓閣行行游子幾經年
幾度空林愁夜鶴仙峰歷覽豈不嘉還憶白雲舊巖壑
江城過雨秋氣涼時有疏鐘度寥廓山林如此誰能為
都尉丹青深問學當年故習一銷鎔三百餘年無與角
君家珍祕在雲房六時展對忘離索我詩渠畫相後先
固應不負三生約

李思訓妙筆

并序

思訓作畫雖由於天性然亦多宗閣立本惜世罕

有知者因見此卷為表而出之

李侯丹青勝結綠貝闕珠宮看不足偶研丹碧寫春山
萬壑千峰僅盈幅應知深處有神仙
花落花開度歲年
扁舟自是尋真侶為覓桃源一洞天

唐子華雲松仙館圖

危峰削玉插晴空淋漓秀色含鴻濛
世間萬物有時易
惟有青山今古同
隱君山下營茅屋煙霞笑傲逃塵俗
日長心境鶴俱閒
白雲松下宿谿頭
覓向行遲遲

童子囊琴歸竹籬，猗蘭調古少人聽。
等閒何處尋鍾期。

題顧善夫所藏張僧繇畫翠嶂瑤林圖

善夫夙有耽竒癖，珍祕何須羨賈胡。
徽廟未銷當日字，僧繇仍見昔年圖。
千林歷落人煙密，萬里縈迴鳥道孤。
幾欲臨風試題句，恍疑身世在冰壺。

劉松年春山仙隱圖

綠柳疎花遶舍栽，長松灌木覆亭臺。
雲巒倒影水天

負蒲葦有聲山雨來內史幽情觴咏樂
右丞別業畫圖
開何時許我遊真境界色橋邊蹋紫苔

趙松雪重江疊嶂圖

東風江上柳初團
海燕飛飛杏雨寒
帆影亂催人去遠
煙光遙映嶂為攢
鶯啼幾處邨
方市犬吠千家客
正餐
滿目溟濛無著處
一林鐘磬落潮湍

顧愷之瑤島仙廬圖

渺渺晴山路更幽
茸茸瑤草幾春秋
巖棲自昔推巢父

學種于今說故侯雲物豈因時序換鹿麕不共世塵浮
谿頭鷲有尋真客期向天台汗漫遊

陸探微層巒曲隄圖

并序

善夫過訪出示探微妙筆不勝驚訝漫賦若此以
識竒觀

勾吳山水素稱竒箇裏神工已得之山翠却從林外出
水深常透屋東漸雞鳴竹里人何處犬護柴門客正炊
一段風煙誰會得避秦當日自相宜

吳道玄五雲樓閣圖

吾僚友趙松雪盛稱此卷余豔慕之已二十餘年
矣一日危太樸出示索題深慰夙懷因書近詩一

律於尾

觀閣嵯峨起日邊春雲靨黠倚層巔天低青海一杯水
山落齊州九點煙百尺長松神闕外千秋靈柏古壇前
遨遊盡是蓬山侶瑤草金芝不記年

王維高本輞川圖

輞口風煙春日遲
淺沙深渚帶東菑
紅杏花開翔白鶴
綠楊絲裊逗黃鸝
山雲寂寂入寒竹
野露凜凜裛嫩葵
誰似右丞清絕處
千秋一士更何疑

王維秋林晚岫圖

千峰凝翠宛神州
中有仙翁寤寐遊
林麓漸看紅葉暮
風煙俄入野塘秋
搖搖小艇尋谿轉
寂寂雙飛向晚投
我欲探幽未能去
畫中真境許誰儔

李昭道畫卷

松篁寂寂掩深居一段清幽樂有餘
麕鹿自來尋舊迹高賢還去賦歸歟
千山夕照耕初罷隔樹炊烟誦自如
有客臨溪清話久數聲長笛過前畬

盧鴻仙山臺榭圖

仙都圍合碧雲籠洞口緋桃著雨穠
丹闕春深巢翡翠朱扉風暖出芙蓉
壺公不負三山約向子終期五嶽逢
野鶴一聲山館寂倚闌長聽水淙淙

題洪谷子楚山秋晚圖

舊知洪谷古先儔五尺橫圖見十洲千嶂排空青玉立
一江流水白雲浮瑤簷共話當年雨丹葉誰憐滿徑秋
最是無聲詩思好恍然身在赤城遊

郭忠恕十幅

雒陽畫史稱忠恕尺素能窮造化工翠嶂倚雲天外落
高林飛雨望中叢彤樓風暖歌聲細綺閣春深舞袖紅
應是宣和多愛惜故將題墨琬琰同

趙令穰秋邨平遠圖

白沙翠竹映江皋幾處邨居對寂寥
水落漁梁人暗度
霜清曲渚荇初銷
千山雜沓凝嵐紫
萬木蕭森向晚彫
自是秋光無限好
誰知點染付輕毫

趙千里山水長幅

蒼山高處白雲浮
樓閣參差帶遠洲
千尺蚪龍依絕壁
一羣鸛鶴啖清秋
山翁有約憑雙屐
莖客無心滌碧舟
最是霜林好風景
居然咫尺見丹丘

馬和之卷

迴嵐洞壑玉參差滿地濃陰日影遲寂寂柴門雲自合
深深灌木鳥仍窺滄浪唱晚空天地綠綺尋幽過竹籬
豈是柴桑歸去者時臨清淺賦新詩

危太樸集八大家

并序

余與太樸久別一旦會于九龍山僧舍因出諸名
勝合作卷見示隨賦小詩於後并叙遠別之意云

憶昔相逢數十年一朝解后碧山前奚囊錦繡煙猶濕
滿目峰巒紫翠妍歲月盡從忙裏過文章還向世中傳

明朝無限東西路馬首仍憐各一天

按明東吳張泰階援平寶繪錄太樸

集八大家圖為大癡道人黃公望富春山圖天水趙雍五馬圖黃鶴山人王蒙秋溪汎樵圖房山高克恭幽谷晴雲東海倪瓚長松絕壁圖吳興錢選花鳥梅道人吳鎮戲墨武塘盛懋畫也

趙松雪怡樂堂圖贈善夫副使

一榻幽然樂事多四時風景復何如
遶溪水色清流玉排闥山光翠擁螺
靜裏研朱將易點醉中邀月鼓琴歌
知君所好無塵趣肯許吾儕見訪過

趙仲穆秋山訪隱圖

城市山林路不分
畫橋騎馬是徵君
樹邊高閣連青嶂
陌上紅塵亂白雲
碧澗漣漪魚自泳
陽坡平軟鹿為羣
滑稽誰似東方朔
更向金門避世氛

方方壺松巖蕭寺圖

雨過鷓鴣啼歇日
斜猿兕聲高湖上
長煙漠漠山中古
寺迢迢人立東皋
清眺帆歸西浦寒
潮

荆浩秋山問竒圖

木落千林秋氣新
虛亭寂寂不生塵
悠然危坐草玄者

不負山橋問字人

顧愷之秋江晴嶂圖二首 并序

太樸危君所藏愷之妙卷誠希世物也出示索書
不勝歎羨為書短句以志喜云

晉室風裁推虎頭山川靈氣屬君收指端幻出千重秀
并作江南一段秋

靜日攜筇溪水頭何如風景障圖收與君相對坐不語
祇領千林萬壑秋

閻立本秋嶺歸雲圖二首

貞觀從知畫有仙能將萬里尺圖間白雲掩映楓林好
遮却溪南無數山

盤紆選路卻何之中有居人未卜誰百丈飛泉雲外落
一林霜葉九秋時

題危太樸所藏滎陽鄭虔畫秋巒橫靄圖二首

金風瑟瑟入空山邛落人家葉盡斑山色空濛斜日裏
鬱林遙指碧雲間

題耕雲徵士東軒讀易圖次韻三首

衡門寂寂有儒風相對高人笑語同何必隔離沾取醉

新詩初就竹爐紅

渠几清疏無俗物圖書雜沓有仙言晚來靜倚南軒下
始識山林道味尊

悠然結屋對南山好鳥忘機自往還昨夜天風吹月下黃
金散布一林班

題趙千里春景

籠煙楊柳嬌無力著雨桃花冶有姿人在畫樓春睡起
不知溪上有新詩

題趙子昂為袁清容畫春景仿小李

王孫久別同朝侶為寫晴雲百疊峰挂起碧窗凝望處
畫中今喜故人逢

趙子昂仿顧愷之

溪邊春樹綠成羣重疊青山翠影分客子何來忘歸去
歌聲遙落水中聞

王洽雲山圖 并序

王洽為百代雲山之祖故米氏父子皆由此出何
況易世之後乎善夫尤宜寶之

五雲深處擁蓬萊樹色蒼涼映水開何處書聲映林樾
却教仙侶過橋來

趙子昂仿顧長康

蒼厓突兀白雲封雨潤金芝色更濃采藥劉郎何處去
桃花依舊笑春風

棣華堂為錢唐羅雲叔題

江空暗雨飛鴻杳天長古道行人少芳草池塘夢欲迷
紫荆庭下無人掃誰似君家常棣華炫日矜春長媚好
文采風流諫給孫詩書滿屋來華軒我聞同姓古所敦
尺布斗粟何足論

清溪謁象山先生祠

我行壓塵役愛山極幽阻及茲叩巖扃浮嵐薄窗戶危
石倚蒼屏盤盤一洞府邈哉混沌根疏鑿自太古或疑

昏墊初屹立中流許懸崖瀉驚瀑洒空作飛雨泓渟水
鏡虛林影淨可數石闌少流憩膠枝啼翠羽山花明炫
目蘚逕劣容武陵上高明臺系麻蔽村塢却笑羣山卑
矜春相媚媼了如靜者性孤潔恥俗伍昔賢此鳴道松
風入談塵教鋒振羣圭朋簪謝華組末學分畛域正道
日榛莽嗟余嗜探蹟離索增歎恤入舟耿清夢前溪聽

鳴槽

登五嶺

去歲登斯嶺，歎暑窮躋攀。茲歷至源道，五嶺九縈盤。雞
鳴戒行李，月明清露漙。筍雨兀殘夢，絺衣颯微寒。峭立
芙蓉峰，秀出羣厓端。陡上捫煙蘿，遊視凌風翰。想當混
沌初，疏鑿驅神姦。幸經資斧貫，猶有蒼石頑。劔門倚崇
墉，函谷封泥丸。顧此東南偏，夷險遂殊觀。小憩天欲曙，
嵐光漲林巒。頗聞招提勝，峻絕逾商顏。野人耕鑿共山
僧，巾屨安白首。不出寺，豈復世慮干。我欲叩幽迴，策足
嗟蹒跚。維時清秋曠，老龍猶泥蟠。灑空飛雨至，乃在半

山間稔稻綠如雲，白水行碕灣。農意良已欣，我行詎云難。買酒澆磊塊，臨溪濯潺湲。山靈亦我娛，風松寫清彈。

貧居

閉戶無塵雜，看山有卧遊。半酣梳白髮，新浴漱清流。讀易菴齋曙，彈琴竹院秋。貧居聊足樂，軒冕欲何求。

桐川九日絕無佳菊，小酌書懷奉簡明仲博士一笑。

遊宦年光逐雁飛，傳杯好友念分違。欲將老眼看黃菊。

不遣秋香近繡衣
稻蟹霜遲聊取醉
尊鱸家近重思歸
緬懷晉宋多才傑
得似風流落帽稀

哭李息齋大學士

冰紈亂掃拂雲竿
不盡清風入譜刊
紫氣直過銅柱去
蒼龍欲卷墨池乾
憶陪客館燈花落
喜借僧房貝葉看
得遂縣車娛暮景
淚零耆舊向彫殘

從遊僧寺醉江天
疑語山亭濯澗泉
能悟莊周齊物論
為參居士在家禪
竹西卜宅他鄉老
花底歸朝上界仙

寄我楚江煙雨筆每懸素壁一潸然

仲賓近刊竹譜廿卷嘗自京師寄墨

竹雙幅題曰楚江煙雨 余兩年往來江左道中塵勞之餘輒賦數語以自適坡老云多生綺語亦安用當不滿大方一笑因留桐川明仲教官以此紙俾余書之聊識其後如此巴西鄧文原

祖孝子求母詩

田家桑柳蔭柴扉誰道兵戈有亂離
住舍尚存萱草地生兒不及木蘭時
鳳釵一折悲誰語鶴表重歸樂自知
想見鄉閭歡會處萊衣起舞對齊眉

涪河橋

清泠虹影落雲濤海上三山望不遥
春漲漫愁杯渡細
雲深常護鬼功勞
汎槎客至銀河外
題柱人歸玉壘標
明月遠天漁父意
一聲鐵笛一蘭橈

題趙子固墨蘭

承平灑翰向丘園
芳佩纍纍寄墨痕
已有懷沙哀郢意
至今春草憶王孫

高尚書克恭

克恭字彥敬其先西域人後居燕之房山初仕

為省郎出為江浙行省左右司郎中大德初為
御史官至刑部侍郎卒追贈刑部尚書諡文簡
彥敬好作墨竹畫山水初用二米法寫林巒煙
雨晚更出入董北苑每不輕於著筆遇酒酣興
發或好友在前雜取縑楮研墨揮毫乘快為之
神施鬼設不可端倪趙松雪詩有國朝名筆誰
第一尚書醉後妙無敵之句卒後購其遺墨者
一紙率千百緡自號房山老人因皆稱曰高房

山為詩不尚鉤棘自得天趣柳道傳嘗謂高公
畫入能品故其詩神超韻勝如王摩詰在輞川
李伯時泊皖口舟中思與境會脫口成章自有
一種奇秀之氣其画中題句如木落秋宇空天
寒遠山靜峭寒留剩雪暮影入濃雲雲氣外無
出路水聲中有人家冷光濕翠相搏處曾向廬
山下來青山萬疊雲無屋中有仙人問月臺
具有妙思故并錄之

至正己亥四月廿二日宿翠峰禪室登留雲閣數
日與淨蓮公

米老天機清夢入煙雲
窟山河大地影玻瓈
鏡中出任
自選勝場莫浪翻墨汁
今于西湖濱割取南半壁

岳陽樓

九水匯荆楚一樓名古今
地連衡岳勝山壓洞庭
深宿
鴈落前浦曉猿啼遠林
倚闌搔白首空抱致君心

題管夫人竹窩圖

雲梢露葉秋聲古，萬玉叢深翠蛟舞。此君擬結歲寒盟，
拄笏相看立煙雨。過雨山窗斜映日，帶煙霜節總宜秋。
凍雷迸出千崖翠，勸此高歌傲素侯。

題怡樂堂為贈善夫良友

君家華堂號怡樂，已見簷楹佳致作。時張圖畫翫江山，
晴敞窗櫺詠風月。有書教子知義方，有席延賓酬葷觴。
天壤不知更何樂，松門醉倚看斜陽。

仿老米雲山圖

一作秋山
暮靄圖

青山半晴雨遙一作色現行雲底佛髻欲爭妍政恐勤梳

洗

松濤軒題畫為鄧善之

春雨欲晴時山光弄煙翠林間有高人笑語落天外

靜觀閣早興寄懷善之先生

君官近九列我畫將二米不虛五年別勝進各如此

種筆亭題畫

積雨暗林屋晚峰晴露巔扁舟入蘋渚浮動一溪煙

過京口

以下七首見
水邨圖卷

北來朋友不如鴻
幾箇西飛幾箇東
多少登臨舊臺觀
關干閤在夕陽中

過信州

一作邇陽
臺道中

二千里地佳山水

一作好
耕桑

無數海棠官道傍
風送落紅

攬馬過春風更比路人忙

王士熙云房山樂府有云吳
山青越山青兩岸青山相送

迎絕句云無限飛鴻隨馬足春
光更比路人忙大有唐人意度

過弋陽

雷聲驅雨過山西山腹雲根似削齊日莫牧兒歸不得
料應白水漲前溪

拍洪樓

仰有嵐光俯有溪軒窗初不計東西雲峰兩岫安排定
松竹林林自整齊

闕

山腰澗曲繞短垣百怪老樹龍蛇蜿山翁有時抱琴至
雪霽月明開此軒

滿目雲山樓

溪頭白鷺來相安
溪上紅桃雨打殘
滿目雲山為誰好
一川晴色上樓看

即事

古木陰中生白煙
忽從石上見流泉
閒隨委曲一作尋源

去直到人家竹塢邊
大德八年夏五還自江西過虎丘舟中子敬攜此卷見示俗客以惡

酒相撓情況構詩不成遂書途中所作少答雅意房山高克恭

贈英上人

為愛吟詩嬾坐禪
五湖歸買釣魚船
他時如覓雲蹤跡
不是梅邊即水邊

題道院二首

綠陰無際壓蒼苔
為愛幽深手自栽
風月早知煩耳目
不教春筍過牆來

草色琅玕逼兩楹
早陰才過午陰清
斜陽又送西軒影
一就移牀待月生

無錫山中留題

山深自昔無車馬道在何曾畏虎狼
祇恐閒人來看竹
淋漓醉墨汚新牆

夜山圖

萬松巔畔中秋夜况是樓居最上方
一片江山果竒絕
却看明月似尋常

趙子昂為袁清容畫春景仿小李

春林如染綴溪容幾處幽居倚碧峰
不是兩翁情話久
白雲深杳未能逢

元學士明善

明善字復初大名清河人讀書過目輒記尤深於春秋弱冠游吳中浙東使者薦為安豐建康兩學正累辟掾臺省坐誣免僑寓淮南仁宗居東宮首擢太子文學及即位改翰林侍制陞直學士知制誥同脩國史遷侍讀學士延祐間改禮部尚書擢參議中書省事復入翰林歲終拜湖廣行省參知政事召為集賢侍讀學士進翰

林學士至治二年卒于位年五十四贈資善大夫河南行省左丞追封清河郡公諡文敏復初早以文章自豪晚益精詣吳伯清稱其文脫去時流畦徑而追古作者之遺馬伯庸亦謂公刻而不見其迹新而必自己出蔚乎其華敷鏗乎其古聲倡古學於當世為一代之文宗者柳城姚燧暨公而已初復初在江西金陵每與虞伯生劇論相得甚驩至京師乃復不能相下真人

吳間間與復初交尤密嘗求作文既成謂間間曰伯生見吾文必有譏彈為吾治具招伯生來觀之明日伯生至復初出文問何如伯生曰公能從集言去百有餘字則可傳矣復初即泚筆屬伯生凡刪百二十字而文益精當復初大喜乃驩好如初伯生亦嘗謂復初文章發揚蹈厲藐視秦漢云

跋南岳壽寧觀碑後

朱陵靈臺天柱巍太虛空

一作寶

洞綠煙扉上館赤帝朱

鳥飛祝融宅南參與

一作為

旗羲娥兩曜愁蔽虧象緯冷

逼嗟位迷四觀燕吳與秦齊恒嵩泰華孰崇卑五氣順

布百志熙流祥阜物宣后祇雨風露雷豈其私惠爾下

土尸者誰中有異人餐玉

一作赤

芝夜眠秋霞晝天倪衣

以青雲裳白霓風車八極參

一作驂

兩螭七十二峰足幽

棲琳宮貝闕輝陸離潛光煉魄如嬰兒大丹入咽無渴

飢誰其思之吳宗師神變倏忽方張施泠然御風渺何

之太君歲晏嘉予期千秋萬歲受鴻釐皇圖景運永以
丕手持芙蓉朝紫微旋飈天闔此來歸漳靈峇貺達爾
垂磨崖鷄我瑤華碑

題息齋墨竹圖

并序

已酉秋玄卿道提舉求賦墨竹詩走筆快書子昂
仲賓見之當大笑其狂也

玄卿口哦子昂詩手持仲賓墨竹枝此詩此畫真兩奇
似為玄卿寫幽姿日光不下雲扃暗元氣歛忽寒人肌

楓林青青少陵夢無乃澤畔逢湘纍楚江小月晃初夜
淇園苦雨秋竹迷二妃彈瑟淚如雨幽壑龍潛春欲飛
天路迢遙獨後來黑雨挾風山鬼啼老氣盤空根徹泉
地靈上訴玄冥悲摩娑老眼久知畫恍然吾與缺物移
揮杯三叫我非狂墨瀋翻江江竹辭

題天冠山

仙翁昔住天冠山夜呵鬼神衛爐丹丹成飛去杳不還
藥池丹井猶山間翩翩學子鳴一作佩環華椽巨麗青

雲端思玄尋躅果安訪鶴歸月落前溪灣

寄直夫

嶽雲低接使君舟湘水無波桂樹稠
井列自涵千古月絃清誰寫一簾秋
清楓路暗空多夢白鴈天遥不見愁
聞說匡廬當稅駕策勲殊未到滄洲

寄翰苑諸公

蒼煙綠樹滿汀沙負手行吟日又斜
江水有時窮地脈海雲何處是天涯
生前幾醉尊中酒夢裏曾乘海上查

惆悵懷人重回首晚風吹盡紫薇花

書湖廣省中壁

鼎湖龍去欲無天臣抱烏號淚作泉四海重瞻堯日月
萬年長履禹山川恩波浩蕩霑民物文運休明屬聖賢
竊祿四朝無寸補何堪西掖進經筵

京師送玉虛宗師還山

句曲山高奠楚氛神仙初祖大茅君遙天歸鶴盤秋月
幽壑潛蛟噓夜雲丹鼎神光松桂室酒壺春色澗溪芹

一從待詔西清閣石髮梳香得夢聞

送湖南李直夫憲使

君去湖南我上京思君欲見又蕪城滄波留月能歸海
江雁拖雲不到衡一代豪華誰遠識百年驚畏護靈名
好來不作男兒事有水可漁山可耕

送董慎齋左丞討賊

負劍先驅意氣閒也勝局躋著儒冠古來每說從軍樂
此去不辭行路難使節再臨民志定兵鋒一舉賊心寒

書生奮力效馳逐要寫功名久遠看

次韻危虛室過居庸

一山萬里限中原神鑿居庸百二川峰勢陡回愁障日
地形高出欲攔天風沙漠漠龍庭遠雲物沈沈鳥道穿
眼底興亡誰解寫石琴秋水學冰絃

謁先主廟二首

合散扶傾老益堅荒祠重過為悽然君臣灑落知無恨
庸蜀崎嶇亦可憐一縣山陽堯故事三年章武魏長編

錦官羽葆今何處
半夜樓桑叫杜鵑

一軍南北幾扶傷
長坂安行氣已王
豪傑盡思為漢用
江山初不假吳強
兩朝元老心雖壯
再世中興事可常
寂寞永安宮畔土
爭教安樂似山陽

祖孝子求母詩

冷月酸風夜長年
聞哭聲母今猶在
隸兒亦欲無生岐
路固多阻人神孚
至情相逢還細認
悲喜此時併

介春堂

真常真人若冰雪大年夜食清溪月誰知袖裏閔初陽散作玄
元春滿堂髯龍宵吼石壇秋老竹風生翻陸江天籟已沈羣妙
集隱几嗒然今坐忘雲扃不鑰瞰虛白揮謝萬象俱行客

張侍講伯淳

伯淳字師道杭州崇德人少善書法宋末應童子科

缺

宗命給巨筆大紙寫之伯淳書天字在紙中間以進詰
之對曰惟天為大惟堯則之

缺

宗喜遂中選尋舉進士

累除太學錄元至元二十三年用薦者言授杭州路儒

學教授遷浙東道按察司知事二十八年擢福建廉訪
司知事歲餘召至闕下論事數十條皆當世急務辭意
剴切世祖為之動容命至政事堂將重用之固辭授翰
林直學士謁告歸授慶元路總管府治中大德四年即
家拜侍講學士明年造朝扈從上都又明年卒謚文穆
師道稱趙魏公孟頫為內弟與巴西鄧文原同直詞林
情義欵洽文原嘗謂師道為文恥尚鉤棘而春容紆餘
鏗乎如金石之交奏然不喜以藻翰自能歿後無成橐

其子河東宣慰副使采長孫武康縣尹炯訪求遺逸
釐為十卷蜀郡虞集為序刊之右塾時至正六年也

延祥餞夢符行

古交重氣誼不為勢位隔會少別離多志士深所惜
驄馬東南來來莫去何亟留連苦無計杯酒聊永日絕
嫌城市喧一舸訪荒寂孤山芳意歇青子漸堪摘淒淒
風雨橫黯黯楊柳碧天公豈有意助我動秋色重來定
何時慰此長相憶

題董承旨野莊圖

古人志道義但覺利祿輕朝市亦足隱何必求郊垌論
心不論迹乃稱人物評董公廊廟器一門富簪纓石張
漢世胄崔邠唐家聲筆下翻波瀾胸中韜甲兵黃閣政
柄舉烏臺公道行征謀與治法和氣與威稜隨施無不
宜因物以賦形詞林日月間班高地望清公餘埽俗軌
窓草階苔青樓臺雖無地詩禮勝金籟田園雖荒薄松
菊還欣榮有詩論國事瞻張目增明使公遯江湖秉心

亦朝廷所志真在隱非必身歸耕野莊視綠野他年定
齊名

題程雪樓黃庭經

雪樓之中有至人手持一卷黃庭經閒居無事心太平
審能行之可長生鼠須吐英玉螭蟠山陰書仙脫塵凡
傳之琬琰堅且完拓以繭素資陳玄白黑粲粲久可觀
雙瞳炯炯常凝注天君泰定歸俗慮自然神全守深固
門中五城十二樓粉黛當前身之蟲被服黃庭急回頭

長生之方勿外求
古今日月車
兩輪昆侖蓬萊無晨昏
深藏巾笥培靈根
君能寶之可長生

按師道古詩殊少合作集中尚有題鮮于伯機所藏黃庭經七言一首語氣較古健及閱松雪集乃知子昂作也因攷孫元理元音劉大彬茅山志亦俱作子昂其為誦詩者誤入無疑故不錄入

挽楊忠齋

五年新召絳六館舊儒冠
粉社年來好棠陰種處難家
貧書簾富居隘酒尊寬
郡府多咨問閭閻遂妥安
少游鄉譽藹老杜士心歡
盤屈千軍筆遲回四品官
使車將

秣馬仙馭已鞭鸞憶昔親師範論交在歲寒離羣雖苦
早為善每相觀頃日留班著臨風欠羽翰嗣音無間斷
滿紙話辛酸歸恨幽明隔時將簡牘看殊方悲宿草餘
慶屬庭蘭身世誰能駐聲名死不缺涉江傳楚些有淚
濕豪端

贈彭萊山

總是江南倦客君平到處生涯老去黃塵沒馬襟期付
與鶯花

病齒二首

蕭蕭一室老維摩
風日佳時電影過
病裏不分春早晚
子規啼處夕陽多

宿有愆尤在齒牙
閉門經月臥沈疴
杏園舊夢還重醒
無奈紅綾餅餤何

山居

兀兀山居覺日長
舊時松檟又成行
本無世慮何須遣
一縷晴窓柏子香

為范君澤賦梅屋

壑谷周遭萬玉妃當時茅舍映疎籬
祇今便作槐堂看不問南枝與北枝

題單吉甫携示汪孝鄉書卷

單君昔佐吾鄉幕垂去還如到郡初
今日都門重晤語筐中惟貯古人書

蕭蘭英

翠裊腰肢絳點脣楚蘭買斷四時春
丁寧莫向游塵老

却顧蕭郎是後身

寄蔡復齋二首

美人秋水隔丰標
老樹陰森鎖畫橋
幾度經過須樣擢
不緣茅店酒旗招

夜雨西窓話歲寒
雲萍自昔聚時難
殷勤不在同衾處
長作西窓夜雨看

舞馬圖

獨立天衢骨相竒
纖絳猶記寫真時
開元天寶今陳迹

舞破中原馬不知

洗馬圖

蕭蕭霧鬣與風駿撲面征塵一洗空
相願倍增神駿氣
恍疑初在渥洼中

楊柳邨

千絲萬縷拂章臺陌上行人幾去來
何事結根荒寂處
東風青眼為誰開

皇甫松竹梅圖

金
卷上
三友亭亭歲晚時政緣冷澹易相知何須近舍今皇甫
却向圖中覓補之

錢舜舉青驄圖

翠鬣朱纓骨相殊貢來名種出單于唐韓宋李都休論
且看錢家進馬圖

送李公略

風雪滿吟鞍長江望眼寬宦情騰踏易聚久別離難人
去鶴應怨冬深梅不寒莫雲依舊碧幾度倚闌干

與劉伯宣

屈指六年別關心萬里長重來深願見久病欲相忘風
物隨人老秋光似舊香公門桃李滿多媿一莊荒

送張永錫

臺閣文書靜相過眼倍明談文還有意遠別若為情行
色隨秋薄扁舟載月輕書郵如可寄休付石頭城

赴浙東

涉水是東州江南記舊游中年偏苦別薄宦欲何求岸

北雪仍在嶺頭雲未收
陰晴元不定且泛剡溪舟

送嶧山鄧同知

鄧君名譜系解后軟紅間
解組郵京闕題輿向嶧山
秋清行色好地僻宦情閒
已熟雲霄路何時報政還

次韻安野內翰梨花

玄景窮陰候春林早著花
素妝臨曉鏡紅粉澆輕沙
勝賞懷京洛吟情軼永嘉
泥中妨載酒咫尺路頭賒

送陳仲孚赴天台教諭

除書出紫微百里較增輝又趣橫經去應如衣錦歸鄉
粉迷驛柳泮藻勝山薇問訊諸親友秋高鴈字稀

贈富翠屏

人海偶相逢淒涼共客中笑談良不惡去住若為同春
草池塘夜梨花院落風鄉人如問訊即此是詩筒

挽趙太監

貴宦猶韋布能聲在薦紳當時供奉曲晚歲義熙人白
首廬間隱黃梁夢裏身階庭珠樹密曾不染微塵

挽張梅軒

每侍吾兄話鄉閭稱善人未華班武舊早蓋姓名新巖
壑何曾老階庭總是春梅花香韻歇雲黯浙江濱

挽鮮于伯機二首

福星推迺祖濟美舊家聲浙水分鄉社胡山合墓塋詞
華推哲匠幕府負平生猶想池亭上高談四坐傾
廿載論文稔間中屢盍簪北來凝望眼西去報歸音句
好空遺墨人亡不問琴幽明從此隔庭樹看成陰

送王廷用

滿城風雨怕催租，賴有諸賢素望孚。
農邑載頒新號令，昆陵猶頌舊規模。
江山入眼馬蹄疾，南北關情鴈影孤。
客裏不堪斟別酒，夢隨流水到西湖。

送林德隱

同年君是早歸人，多羨乾坤自在身。
客舍歌殘朝雨後，扁舟興盡雪溪濱。
淵明入社何妨酒，摩詰懷鄉祇為親。
若會東州諸故舊，莫將羊酪配羹蓴。

寒食

春雨松楸望眼賒
春城楊柳舞腰斜
四千里地江南客
五百風光陌上車
免為歸遲稀遣信
僕多愠見苦思家
公餘少慰淒涼意
蓓蕾一枝紅杏花

洪同僉座上次韻

萬里同晴八月秋
耆英想像洛中游
相逢筆底翻三峽
共說人間有十洲
舞袖卷回雲又過
禁鐘催散月還留
將詩酬酒吾何敢
早已輸公第一籌

寄柳老

旅食京華兩載同，錢唐解后苦怱怱。
曾將漫刺投鈴下，又報危檣過浙東。
天闊雲飛俱莫景，雪凝冰沍易春風。
關情總在闌干曲，明月雙溪徙倚中。

共北樓

縹緲樓臺十二闌，舉頭人在鳳池班。
天風不隔尋常眼，辰極長依咫尺天。
更點分明關政事，規模雄麗厭江山。
東南民物瞻堯日，乞得餘光萬里還。

贈趙治中

要教嶺海瘴塵清
膽氣凌空身可輕
北關肆頒溫詔語
南州欣見老書生
馬卿諭蜀惟傳檄
裴相平淮不用兵
論賞雲中還未竟
秋香晚節是功名

贈王元帥

竒絕曾聞海外游
瘴鄉安適等中州
六韜三畧傳書出
二廣重湖宦轍周
廣將來從元帥府
杜陵吟到岳陽樓
公餘莫恨登臨少
民瘼須將念慮求

送宣使趨省

百里樓遲別駕才好風飛下鶴書催扁舟揚子江頭去
兩鴈禦兒溪上來驛路相望秋月照邦人專待使星回
臨歧不作陽關想聊寫心期付酒杯

次韻

客中歲晚正天寒幾度行藏獨倚闌窻眼奏竽風借隙
檐牙間玉雪留殘同門合志成三益剪燭論文羨二難
空作孤山香影夢此君相對祇蒼官

送張孝先

萬人海裏得吾宗，傾蓋論文冷澹中。
快覩冰壺映寒露，又催霧鬣趁秋風。
鳳皇悞喜臺如昨，猿鶴才知帳已空。
折柳津頭重回首，莫雲碧處是江東。

送王中丞

學海波源識老龍，人生聚散苦怱怱。
愛閒易得過從嬾，臨別還將姓字通。
白簡絳綬凌曉色，空城故國鎖秋風。
當年宦譜傳江左，勲業憑高指顧中。

送王御史

客裏忘形足笑歌
西風吹恨落庭柯
不隨遠別情懷惡
況是中年感慨多
熟路馬蹄偏駁
舊時廡角轉嵯峨
從今側耳朝陽鳳
時借餘輝到澗阿

送趙壽卿赴廣西書吏

客中尊酒足清歡
驄馬驚飛白鷺間
向上儘多清步武
極南更有好溪山
扁舟桂海冰天處
健筆紅蓮綠水間
人到中年偏惜別
不禁對雨聽陽關

送劉光裔

客裏相逢意未投，自憐無地可依劉。
及民不問官高下，奉檄難從我去留。
春事已隨流水逝，湖光未卜幾時遊。
悠悠千里共明月，別後相思付倚樓。

送趙懷玉

倚門白髮望悠悠，全壁言歸古冀州。
喜色不緣毛義檄，壯心欲效子長游。
幾年湖海滋吟筆，萬里風霜入敝裘。
臨別莫為兒女語，琴書滿載更何求。

送王耕存使日本

要將談笑息兵端此舉能為世所難數日南風傳號令
一時東海識衣冠人言蘇武持旄去我作康公買磨看
名遂願公身早退送行不特勸加餐

題楊墳

為求閒曠訪雲林觸目缺都上心澗水似鳴千古恨
墓門空鎖一庭陰穹碑短碣摩挲久舊草寒煙感慨深
青眼主人山共碧杖藜何日重登臨

呈田副使移治平江

三年心事付西湖門外遊塵一點無已報紫泥來北闕
暫移翠節過東吳城狐膽落秋霜凜枝鵲情深夜月孤
歌罷陽關重回首澹雲斜照落平蕪

送廉僉事

憲府清秋易地開天移明月過蘇臺行裝拍塞惟詩卷
祖帳殷勤付酒杯才大便應黃閣去政繁須待繡衣來
縣知別後相思處極目長空鴈影回

次韻完顏經歷

半年傲兀客羶寒多媿侏儒蠹縣官飲少獨憐書味好
愁多不覺帶圍寬從教蒼狗浮雲過留得黃花晚節看
但借餘光聊自佚終無夢想到登壇

次韻光裔

為民那肯為身謀歲月蹉跎志士羞砌下有蛭還促織
眼前何草解忘憂湖光收入千軍筆世事催成兩鬢秋
但願豐年同一飽已歛正不減齊謳

按師道古詩語意膚淺近體率皆應酬之作全篇殊不足觀而佳句頗多如簡張疇齋云白髮游塵裏黃花過雨餘出郊云瘦筇支彳亍狹路寫之玄壽張右丞云春意偏于天上早月華長似夜來圓次韻雪澗兄云身疑夢裏同清境喜到眉間展碧峰送王士能赴衢州同知云纔從國子先生出曾是分司御史來送顧東園云一廡宜得能官舉垂去選如始至時送張可與參政云不日可承三接寵此官已較十年遲賈氏望梅樓云曾觀海者難為水自出山來無此遊送張從之臺郎云幕中頗見此客不江左宣傳某椽來覺意深語健奈人吟諷也

楞伽古木

楞伽古木山門前下有山石摩蒼天道林卓錫舊種此

髣髴于今八百年，皴皮剝腹不自愛。猶是童童一車蓋，
矯然化作龍虎蟠。勁節不為霜雪改，或時孤高烈風起。
蒼茫白日雷雨至，從容下蔭數百人。赤金六月流清氣，
卷曲擁腫也可憐。天賦樗散終天全，道林不世骨已朽。
人間歲月何足言。

題趙子固水仙圖

裙長帶裊寒偏耐，玉質金相密更奇。見畫如花花似畫，
西興渡口晚晴時。

陳思濟秋岡先生集

思濟字濟民號秋岡柘城人
以才器見稱於時
輩世祖在潛邸聞其名召備顧問即位始建省
部俾掌敷奏姚樞許衡皆器重之除右司都事
從中書廉希憲行省山東未幾召還遷同知高
唐州入拜監察御史出知沁州遷同知紹興路
總管轉同知兩浙都轉運司調陝西漢中道按
察副使丁母憂去官服除授同知浙東道宣慰

司事歷兩淮都轉運使擢嶺北湖南道廉訪改
池州總管累遷中議大夫僉河南江北等處行
中書省事大德五年卒年七十贈正議大夫吏
部尚書上輕車都尉追封潁川郡侯謚文肅有
詩集若干卷虞伯生為之序曰秋岡先生平生
文章之出沛如泉原之發揮而波瀾之無津譬
如風雲之變化而舒卷之無迹孫廣東廉訪使
允文手自校儲梓而藏之

題趙德輝宣慰代友人償債卷

人以利為利利等丘山高能以義為利其利輕鴻毛偉哉
趙使君重義輕幣刀周急乃君子而況同氣交交游負
宿債代償曾不勞錐刀抵死競紛紛笑免曹義風久不
作千載空寥寥佳聲足傳播復有御史謠余時亦安用
但續金之貂尚願君侯心推之及蓬蒿又願君侯位鈞
衡早持操躋民富壽域永永無逋逃

送盧處道提刑陝西

繡衣直指上長安
白簡風生吏膽寒
三輔輿情應日望
九秋一鶚上霄搏
吟邊嵩華雲間供
畫裏周秦馬上看
到後相逢李夫子
謂余白髮已闌干

寄沁州玄都觀張漢卿

為問張卿自別離
桃花幾度發新枝
玄都宮闕連霄漢
故國山川入夢思
雪屋未忘餐豆粥
晴窓曾看理瑤絲
而今髮白朱顏改
只有新詩似舊時

漱石亭和段超宗韻

風波萬頃一官微
羨殺田家豆粥稀
後日秋岡岡上去
樹腰移榻轉斜暉

移官淮東別杭州

湖上雲煙百態新
湖邊幽趣屬閒生
春風揚子江頭路
白首行人又問津

發南康赴江州

繡斧重持白髮翁
路人猶說宦情濃
一帆又下潯陽去
羨殺雲間五老峰

寄陳處士

杏桃落盡清明後
姚魏開時穀雨中
為問西湖陳處士
青梅煮酒有誰同

惜花

長恐花殘漫欲狂
千回百匝繞花傍
高張翠幄朱闌護
山雨溪風未易防


湖中醉呈崔郎中

杭州城西天下無
水晶盤裏青珊瑚
江山勝概乃如此

醉筆走呈崔大夫

寄沁州史長老

舊時行縣到金田
曾向禪窓借榻眠
別後小詩聊寄問
龕燈還有幾人傳



元詩選二集卷七